

芥素堂文集

第一
五十一册

養素堂文集卷十八

荅威張 澍介侯

書碑後一

書周師虎鼓蓋後

此鼓不見而其蓋爲安定陳秋谷官岐山縣廣文時所得
高一寸六分闊六寸有銘其文曰惟王三祀四月旣生霸
辛酉王在周客新宮王徙正師入王呼師朕錫師貝朋虎
拜稽首敢對揚天子丕顯休用作文考旅叔尊鼓缺二字
孫永寶凡五十六字鼓下二字不可辨識按商曰祀周曰
年然稱祀者不必商也荅王克商訪鴻範于箕子書作惟

十有三祀博古圖周已酉方彝銘曰惟王一祀蓋周人沿襲商稱如此其曰錫師虎貝朋虎拜稽首云云者詩大雅江漢周宣王二年命召虎伐淮旡詩末二章有云釐爾圭瓚秬鬯一卣又云虎拜稽首對揚王休此器當爲召穆公虎旣平淮旡之明年拜其錫命而作也朱元晦注江漢詩引古器邾散銘以爲文義相類孰知千百年後又有此器出土以爲詩證佐也耶秋谷子正常茂才揭以示余爲志其後如此

書鐘鼎款識後

鐘鼎款識云漢書言府弩機銘二十有七字延光三年閏

三月書言府作澍按書言府或疑是人姓名而他書無言
及者獨朱博傳云姑幕縣有羣輩八人報仇廷中皆不得
長吏自繫書言府据此是拘繫舉人之所也書言云者鞫
訊犯人書兩造之供辭耳而薛尚功乃云書言府者所謂
言則左史書之之義天祿石渠之屬蓋漢之老庫隨府有
之若盾省是也其說非既云書言何得又云老庫耶

書國三老袁良碑後

碑云孝老征和三平袁生曾孫幹斬賊公先勇拜黃門郎
按賈捐之罷珠崖對曰關東公孫勇詎爲使者又田廣明
傳云故城父令公孫勇謀反衣繡衣乘駟馬車至圍圍使

小史侍之知其非是守尉魏不害等共收捕之上封四人
爲侯小史竊言上問之對曰爲侯者得東歸否上曰汝鄉
名爲何對曰名遺鄉上曰用遺汝矣于是賜小史封關內
侯食遺鄉六百戶小史卽幹也遺鄉金石錄作貴鄉誤世
系表亦譌公先勇佗書皆作公孫勇當从碑

又書國三老袁良碑

文云隱居河洛此洛係假借字蓋豫州之雒作雒出冢領
之雒水也雍州之洛水作洛本自分別而魚豢魏畧云漢
火行忌水故洛去水而加佳顏師古謂光祿以後改爲雒
字淮南子墜形訓洛出獵山高誘注獵在北地西北夸中

洛東南流入渭又曰雒出熊耳高誘注熊耳在京兆上雒
西北淮南王在前漢于洛雒二字分別劃然逸周書職方
解雍州其川渭洛豫州其川滎雒二字亦分別與許氏說
文同後人則洛雒互用皆沿黃初元季之詔未可從也

書博陵太守孔彪碑後

碑陰有故吏司徒掾博陵安平崔烈字威考按摯虞文章
志崔烈字威考駟之孫瑗之兄子世系表駟子盤生烈漢
書烈無傳埏見崔實傳中此碑可以補史之闕又按劉孝
標世說注服虔欲治春秋聞崔烈方集門人講傳乃匿姓
名爲烈門人質佯食是其精通春秋子慎得聞其緒論獨

以銅臭遺譏何耶又烈子均字元平均弟鈞字孔平見九州春秋而崔氏謹以鈞字爲州平卽諸葛亮之友也

又書博陵太守孔彪碑後

碑有云拊馬譎害按子夏易傳作拊云取也影宋本釋文曰用丞拯救之拯說文云舉也鄭云承也字林云拊上舉音承說文拊上舉也易曰拊馬壯吉此碑亦作拊知漢時所傳如是當是孟氏易釋文大書用丞二字注云拯救之拯是陸氏所見王輔嗣易作丞也據釋文則康成易亦作丞訓承今本作拯者唐開成以後所改正文選揚雄羽獵賦丞民乎農桑李善注引聲類曰丞亦拯字也漢書本傳

作承民師古曰承舉也易艮不承其隨釋文亦曰承音拯救之拯蓋丞丞承通借字拊本字拯俗字橙或字

書韓勅造孔廟孔器碑後

按碑有故平陵令庶恢元世故涿郡太守庶次公故樂安相庶季公皆魯人當爲秦始皇將軍庶公之後吳王摯以庶出于魯恭公無據又張遷碑陰有故樂安太守庶君亭長當卽韓勅碑之安樂相季公也又韓勅孔廟後碑陰有兗州從事任城樊何榮邵公按何休字邵公任城人此何榮疑是休之初名也榮與休字義相通榮光四塞卽休氣四塞也

又書韓勅造孔廟祀器碑後

青龍在涖歎霜月之靈皇極之曰諡金石者不曉霜月爲何語歐陽公謂是九月五日而笑之靈不成語錢大昕養新錄云霜月者相月也爾雅釋天云七月爲相此說非也蓋霜月者九月即用詩之九月肅霜耳皇極之曰謂五日也然漢書外戚傳云正月于尚書爲皇極皇極者王氣之極也于此碑語不合又廣雅云甲乙爲幹幹者日之神也寅卯爲枝枝者月之靈也甲剛乙柔丙剛丁柔戊剛己柔庚剛辛柔壬剛癸柔則所謂霜月之靈者言九月之枝日用爾雅之歲陰也大戴禮天圓篇云陽之精氣曰神陰之

精氣曰靈此張揖所以言曰神月靈也文忠失考近人全祖望亦以爲陋語妄矣

書韓勅後碑後

碑內滎陽伯熒陽校劉寬碑鄭烈碑皆伯熒陽古熒陽字从火不从水尚書洙爲熒周礼其川熒雒左傳閔二季熒澤詩鄘風箋熒澤皆不从水唐盧藏用紀信碑亦伯熒陽隨書王劭傳上表言符命云龍鬬于熒陽者熒字三火明火德之盛也禹貢釋文經宋開寶中改爲滎字非也沛水出沒不常故謂之熒猶熒惑之意也余正注圃田在熒陽隱元季杜注虢國今熒陽縣釋文本或伯滎非說文亦伯

熒陽水部滎字下云滎澶絕小水也訓釋不同可見熒澤
熒陽古不从水也今史記漢書水經注皆爲淺人竄改遂
使熒滎錯出而岳相臺珂箸九經三傳沿革例且以陸元
朗爲未深考閻百詩潛丘劄記滎絕小水也爲尔正正絕
流曰亂之絕與禹貢沛沔爲滎相發明可謂穿鑿埒會矣

又書韓勅孔廟碑後

碑陰有故蒙令大將軍掾山陽瑕丘檀敷文有按黨錮傳
檀敷山陽瑕丘人少爲諸生舉孝廉連辟公府不就桓帝
時徵博士不言辟爲大將軍掾亦史之闕漏文有漢末名
士傳仵文友

書太尉劉寬碑後

按劉寬所生碑陰有皮氏長右扶風杜陽魏傑齊卿此即
黨錮傳之魏齊卿也與勃海公族進階竝危言深論公卿
展履到門范書不書其名亦未言其爲皮氏長得此碑乃
知齊卿之名傑又蓋勳傳注桂陽魏傑爲破敵都尉桂字
誤當作杜陽杜陽屬扶風即碑所謂杜陽魏傑也獻帝春
秋有步兵校尉魏桀疑卽是人桀與傑字相通且蓋勳所
表用士孫瑞係扶風杜楷係京兆楊儒係弘農第五雋係
長陵皆秦人傑爲杜陽何疑

又書劉寬碑後

碑陰門生有涿令遼西令支公孫瓚伯圭按范書公孫瓚
本傳瓚爲郡小吏舉上計吏舉孝廉除遼東屬國長史遷
騎都尉拜降虜校尉封都亭侯兼領屬國長史拜奮老將
軍封薊侯未嘗言爲涿令亦史文之缺惟魏志袁宏漢紀
則云遷涿令是碑文爲不謬矣又門生議郎北地靈州傳
變南容而范書變本傳亦言少師事太尉劉寬與此碑合
其爲議郎即在爲護軍司馬安定都尉後也碑陰又有離
石長北地泥陽王邑文都按董卓傳注王邑北地涇陽人
考兩漢志北地有泥陽縣涇係傳寫之譌獻帝起居注邑
封安陽亭侯獻帝時爲河東太守被徵郡掾衛固中郎將

范先詣司隸校尉鍾繇請畱之曹操以杜畿爲河東太守
鍾繇促邑交符邑佩印綬徑從河北詣許自歸續漢書天
子幸安邑河東太守王邑獻繇帛又賸公卿以下其人可
取也

又書太尉劉寬碑後
碑陰有門生大尚書河南平陰張桓子戎是官有大尚書
也山陽太守祝睦碑云拜大尚書尚書僕射廷尉仲定碑
亦云徵議郎拜大尚書蜀志衛繼爲大尚書隨經籍志法
家漢大尚書崔實傳正論六卷晉周處碑亦云拜大尚書
王父別傳云徵爲相國司馬遷大尚書周孔昌寓碑云十

四世祖潛吳侍中生晉豫章太守竺竺生大尚書沖大尚書當是諸尚書之長故曰大尚書嘉興錢侍御儀吉以爲大是誤字余未敢信

書綏民校尉熊君碑後

碑云祖父

缺二字

治歐牟尚書六日七分按六日七分見郎

顓傳蓋京房易也易稽覽圖甲子卦氣起中孚故坎離震兌各主其一方其餘六十卦卦有六爻爻別主一日凡主三百六十日餘有五曰四分日之一每日分爲八十分五日分爲四百分四分日之一又爲二十分是爲四百二十分六十卦分之六七四十二卦別得七分是每卦得六日

七分也乃卦氣之說卦氣始于孟喜章句其後京房揚雄
谷永皆依以爲說郎宗崔子玉皆學京氏易六日七分隨
經籍志有六日七分八卷又洪景伯以綏民校尉爲劉表
擅命所創設官非也袁宏紀獻帝使綏民校尉劉裁宣喻
李催郭汜豈劉表所設哉又巴郡太守樊敏碑有褒義校
尉助義都尉亦在建安時

又書綏民校尉熊君碑後

按碑有顯字據文義當爲顯與濕之爲顯同也漢書功臣
表有濕陰侯地理志霍去病傳皆作濕陰則濕濕實一字
溼千乘郡有濕沃縣濕水所經地理志作溼五經文字水

部濕濕二字下云他匝反說文濕下隸省克州水名經典相承以爲燥溼之溼石本溼作濕別以潔爲此字見夏書與釋文合與字義不同蓋漢碑借濕潔爲溼字今人以濕爲溼本字也

書冀州刺史王純碑後

碑陰有門生勃海公族進階卽漢書黨錮傳所云與魏齊卿竝危言深論不隱豪彊者也然碑凡一百九十三人皆書字而李賢注以爲名誤矣亦見風俗通郭林宗別傳

書樊毅論寧嶽廟碑後

文云世室不修春秋所譏又樊毅復寧下民租田口算碑